

ქ. თბილისი

ერთი მხრივ, შპს „საქართველოს მელორადია“ (მის: თბილისი, გ. გულუას ქუჩა N6), წარმოდგენილი - მისი ფინანსური დირექტორის დავით ტეტუნაშვილის სახით (შემდგომში "შემსყიდველი") და მეორე მხრივ, შპს „სადეზინფექციო, სადენინსექციო, სადერატიზაციო და სასტერილიზაციო ცენტრი აისი“ (იურიდიული მის: ქ. თბილისი, გლდანი-ნაძალადევის რაიონში, ხვინგას ქ. N9) წარმოდგენილი - მისი დირექტორის ევატერინე ნონიაშვილის სახით, (შემდგომში "მიმწოდებელი"), "სახელმწიფო შესყიდვების შესახებ" საქართველოს კანონის, მე-3 მუხლის, პირველი პუნქტის, „სა“ ქვეპუნქტის შესაბამისად და ამავე კომპანიის ადმინისტრაციული დეპარტამენტის უფროსის გიორგი ტყემელაშვილის 2020 წლის 21 დეკემბრის Nშ-25861 მოხსენებითი ბარათის საფუძველზე, ვდებთ წინამდებარე ხელშეკრულებას სადერატიზაციო მომსახურების გამარტივებულ სახელმწიფო შესყიდვაზე, შემდეგ თანხაზე - 100.00 (ასი ლარი და 00 თეთრი) ლარი, დღგ-ს გარეშე, კანონმდებლობით გათვალისწინებული ყველა გადასახადის ჩათვლით შემდგომში ("ხელშეკრულების ღირებულება"). დაფინანსების წყარო - საკუთარი სახსრებით.

1. ტერმინთა განმარტებები

- 1.1. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას, რომელიც ახორციელებს შესყიდვას.
- 1.2. "ხელშეკრულება სახელმწიფო შესყიდვის შესახებ" (შემდგომ "ხელშეკრულება") შემსყიდველსა და მიმწოდებელს შორის დადებული ხელშეკრულება, მასზე თანდართული დოკუმენტით - დანართი N1.
- 1.3. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.4. "დღე", "კვირა", "თვე" ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს სადერატიზაციო მომსახურება (შემდგომში "მომსახურება"), ხოლო შემსყიდველი კისრულობს ვალდებულებას, მიიღოს მოთხოვნილი მომსახურება და გადაიხადოს მისი ღირებულება ხელშეკრულებით გათვალისწინებული წესით.
- 2.2. მიმწოდებელი კისრულობს შენობის შეწამვის ვალდებულებას, მომქმედი სტანდარტების დარეგულირების შესაბამისად.
- 2.3. შესყიდვის ობიექტის კლასიფიკატორის კოდი: 90900000; 90923000.
- 2.4. მისაწოდებელი მომსახურების დასახელება, განზომილება, რაოდენობა და ერთეულის ფასი განისაზღვრება ფასების ცხრილის შესაბამისად (დანართი N1).

3. ხელშეკრულების შესრულების კონტროლი

- 3.1. შემსყიდველი უფლებამოსილია განახორციელოს ხელშეკრულების შესრულების კონტროლი ნებისმიერ ეტაპზე.
- 3.2. შემსყიდველის მხრიდან ხელშეკრულების შესრულების კონტროლს ახორციელებს: სამეურნეო განყოფილების უფროსი სპეციალისტი გიორგი ვარდიაშვილი ან შესაბამისი სტრუქტურული ერთეულის ხელმძღვანელი (შემდგომში "ინსპექტირების ჯგუფი").
- 3.3. ინსპექტირების ჯგუფის ფუნქციებია:
 - 3.3.1 სამეურნეო განყოფილების უფროსი სპეციალისტი გიორგი ვარდიაშვილი ან შესაბამისი სტრუქტურული ერთეულის ხელმძღვანელი-ვალდებულია გაუწიოს კონტროლი მიღებული მომსახურების რაოდენობასა და მომსახურების თანმდევი დოკუმენტაციის შესაბამისობას ხელშეკრულებასთან, ასევე, აღრიცხოს მომსახურების მიწოდების და ხელშეკრულების მოქმედების ვადები; გაუწიოს კონტროლი მიღებული მომსახურების ხარისხობრივ შესაბამისობას ხელშეკრულებით გათვალისწინებულ მოთხოვნებთან;
 - 3.3.2 გააფორმოს მიღება-ჩაბარების აქტი მიმწოდებელთან და უზრუნველყონ მიწოდებული მომსახურების მიღება.

4. მომსახურების მიწოდების ვადა და ადგილი

- 4.1. მომსახურების მიწოდების ვადა - ხელშეკრულების გაფორმების თარიღიდან არაუგვიანეს 5 (ხუთი) სამუშაო დღე.
- 4.1. მომსახურების გაწევას უზრუნველყოფს მიმწოდებელი, მისამართზე - ქ. თბილისი, ფონიჭალა, რუსთავის გზატკეცილი N26.

5. მომსახურების მიღება-ჩაბარების წესი

- 5.1. მიმწოდებლის მიერ მიწოდებული მომსახურება ჩათვლება მიღებულად მიღება-ჩაბარების აქტის გაფორმების საფუძველზე.
- 5.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 5.3. მიღება-ჩაბარების აქტი დგება მომსახურების (ან მისი ნაწილის) ყოველი მიწოდების დასრულების შემდეგ.
- 5.4. მომსახურების მიღება და საბოლოო შემოწმება ხდება მომსახურების მიწოდების ადგილზე.
- 5.5. მომსახურების (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას გონივრულ ვადაში საკუთარი ხარჯებით უზრუნველყოფს მიმწოდებელი.

6. ანგარიშსწორების პირობები და ვადები

- 6.1. ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად მიწოდებული მომსახურების მოცულობის შესაბამისად, მიმწოდებლის საბანკო ანგარიშზე.
- 6.2. ანგარიშსწორება განხორციელდება 10 სამუშაო დღის განმავლობაში, გაფორმებული მიღება-ჩაბარების აქტისა და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენის საფუძველზე.
- 6.3. შემსყიდველი უფლებამოსილია, ხოლო მიმწოდებელი თანახმა ხელშეკრულების 9.3 და 9.5 პუნქტებით დაკისრებული პირგასამტეხლოს თანხა (სეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 6.4. საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

7. მომსახურების საგარანტიო პირობები და ვადები

- 7.1. მიმწოდებელი იძლევა გარანტიას, რომ გაწეული მომსახურება იქნება ხარისხიანი, სწორი ექსპლუატაციის პირობებში არ გამოავლენს დეფექტს და შეესაბამება მომსახურების გაწევის სტანდარტებსა და ტექნიკურ პირობებს (დანართი N1).
- 7.3. მიმწოდებელი ვალდებულია გონივრულ ვადაში (თუ დანართი N1-ით კონკრეტული ვადა არ არის გათვალისწინებული) განახორციელოს დეფექტური მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

7.4. მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

8. ხელშეკრულების შეწყვეტა

- 8.1. ხელშეკრულება შეიძლება შეწყდეს:
- 8.1.1. მხარეთა წერილობითი შეთანხმებით;
 - 8.1.2. ხელშეკრულების ვადის გასვლის გამო;
 - 8.1.3. 8.2 პუნქტით გათვალისწინებულ შემთხვევებში.
- 8.2. შემსყიდველი უფლებამოსილია ცალმხრივად (მთლიანად ან ნაწილობრივ) შეწყვიტოს ხელშეკრულება, თუ:
- 8.2.1. მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - 8.2.2. მიმწოდებელი სისტემატიურად ან/და უხეშად არღვევს ხელშეკრულების პირობებს;
 - 8.2.3. მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული მომსახურების გაწევას.

9. მხარეთა პასუხისმგებლობა

- 9.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, კანონმდებლობით დადგენილი წესით.
- 9.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.1 პროცენტი ყოველი ვადაგადაცილებული დღისათვის.
- 9.3. მიმწოდებელი კისრულობს პასუხისმგებლობას მიწოდების გრაფიკით გათვალისწინებული ვადების დარღვევის შემთხვევაში, პირგასამტეხლოს სახით შემსყიდველს გადაუხადოს გრაფიკით მისაწოდებელი მომსახურების ღირებულების 0.1 პროცენტი ყოველი ვადაგადაცილებული დღისათვის, მაგრამ არანაკლებ 10 ლარისა დღეში.
- 9.4. მხარეები თავისუფლდებიან პასუხისმგებლობისაგან:
- 9.4.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით;
 - 9.4.2. ის მხარე, რომელიც ხელშეკრულების 9.4.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამოძვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 (ათი) დღისა წარმოადგინოს ცნობა შესაბამისი კომპეტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს;
 - 9.4.3. ხელშეკრულების 9.4.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადად შეწყვიტონ ხელშეკრულების მოქმედება.
- 9.5. მიმწოდებელს ხელშეკრულებით ნაკისრი ვალდებულებების ნაწილობრივი შესრულების შემთხვევაში, დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 20%-ის ოდენობით.
- 9.6. მიმწოდებელს ხელშეკრულებით ნაკისრი ვალდებულებების შეუსრულებლობის შემთხვევაში, დაეკისრება პირგასამტეხლო ხელშეკრულების საერთო ღირებულების 20%-ის ოდენობით.

10. ფორს-მაჟორი

- 10.1. მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორცაა ომი, სტიქიური მოვლენები, ეპიდემია და აშ.
- 10.3. მხარე, რომელიც ხელშეკრულების 10.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამოძვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული ან/და სხვა ხელშემშლელი გარემოებების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.
- 10.4. ფორს-მაჟორული ან/და სხვა ხელშემშლელი გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 10.5. ხელშეკრულების 10.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადად შეწყვიტონ ხელშეკრულების მოქმედება.

11. სადაო საკითხების გადაწყვეტა

11.1. მხარეთა შორის წარმოშობილი სადაო საკითხები უნდა გადაწყდეს მხარეთა შეთანხმებით. შეთანხმებლობის შემთხვევაში ნებისმიერ მხარეს შეუძლია მიმართოს სასამართლოს, საქართველოს კანონდებლობით დადგენილი წესით.

12. ხელშეკრულებაში ცვლილებების შეტანა

- 12.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 12.2. დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 12.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ღირებულების 10%-ზე მეტი ოდენობით გაზრდა.
- 12.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

13. ხელშეკრულების სხვა პირობები

- 13.1. ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 13.2. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითო ეგზემპლარი ინახება ხელშეკრულების მონაწილე მხარეებთან.

14. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2021 წლის 28 თებერვლის ჩათვლით.

15. მხარეთა რეკვიზიტები:

„შემსყიდველი“
შპს „საქართველოს მელიორაცია“
მის: თბილისი, გულუას ქ. N6
e-mail: info@ag.ge
ტელ: (995 32) 2 480 100.
სს „თიბისი ბანკი“
ბანკის კოდი: TBCBGE22
ა/ა GE42TB7484 7360 2010 0003;
საიდენტიფიკაციო კოდი: 204524568.

„მიმწოდებელი“
შპს „სადეზინფექციო, სადეზინსექციო, სადერატიზაციო და
სასტერილიზაციო ცენტრი აისი“
მის: ქ. თბილისი, ზვინგაას ქ. N9
E-mail: centriaisi@yahoo.com
ტელ: (995 599) 685 813.
სს „ვითიბი ბანკი“
ბანკის კოდი: UGEBGE22
ა/ა: GE89VT7000 0000 0181 3602;
საიდენტიფიკაციო კოდი: 205257381.

„შემსყიდველი“
შპს „საქართველოს მელიორაცია“

დავით ტეტუნაშვილი
ფინანსური დირექტორი

„მიმწოდებელი“
შპს „სადეზინფექციო, სადეზინსექციო, სადერატიზაციო და
სასტერილიზაციო ცენტრი აისი“

ეკატერინე ნონიაშვილი
დირექტორი

N	მომსახურების დასახელება	ტექნიკური მახასიათებელი (სპეციფიკაცია)	რაოდენობა (ფართობი)	განზომილება	მომსახურების გაწევის დღეების რაოდენობა	ფასი 1 კვ.მ-ზე (ლარი)	საერთო ღირებულება (ლარი)
1	სადერატიზაციო მომსახურება	სადერატიზაციო (მღრნელების საწინააღმდეგო საშუალება) გამოიყენება საყოფაცხოვრებო ნაგებობებში როგორც შიგნით ასევე შენობის გარშემო დამუშავებისთვის.	2500	კვ.მ	1	0.04	100.00
							ჯამი: 100.00

„შემსყიდველი“
შპს „საქართველოს მელიორაცია“

დავით ტეტუნაშვილი
ფინანსური დირექტორი

„მიმწოდებელი“
შპს „სადეზინფექციო, სადეზინსექციო, სადერატიზაციო და სასტერილიზაციო ცენტრი აისი“

ეკატერინე ნონიაშვილი
დირექტორი

ხელწერილი

ინტერესთა კონფლიქტის არარსებობის შესახებ

ხელწერილი ინტერესთა კონფლიქტის არარსებობის შესახებ „სახელმწიფო შესყიდვების შესახებ“ საქართველოს კანონის მე-8 მუხლის თანახმად ხელშეკრულებაზე ხელის მომწერი პირი, კონტროლის განმახორციელებელი და ვიზის დამდები პირ(ებ)ი ვადასტურებთ, რომ არ ვიმყოფებით ინტერესთა კონფლიქტში წინამდებარე ხელშეკრულებაში მოცემულ მიმწოდებელთან.

ინტერესთა კონფლიქტის არარსებობის შესახებ დასტური მიღებულია ელექტრონულად.